

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu članom 3. stav (1) i članom 4. a u vezi sa članom 7. Uredbe o reprezentaciji i poklonima (“Službene novine Zeničko-dobojskog kantona”, broj: 5/14), na prijedlog Ureda premijera Zeničko-dobojskog kantona, Vlada Zeničko-dobojskog kantona, na 79. sjednici, održanoj dana 30.04.2025. godine, d o n o s i

O D L U K U

o utvrđivanju visine reprezentacije i poklona za 2025. godinu

Član 1. **(Predmet)**

Ovom odlukom utvrđuje se visina reprezentacije i poklona za kantonalna ministarstva i druga tijela kantonalne uprave iz člana 3. stav (1) Uredbe o reprezentaciji i poklonima.

Član 2. **(Djelokrug Odluke)**

Visina reprezentacije iz člana 3. stav (2) Uredbe o reprezentaciji i poklonima koja se odnosi na budžetske korisnike iz oblasti osnovnog, srednjeg i visokog obrazovanja nije obuhvaćena ovom odlukom.

Član 3. **(Troškovi reprezentacije)**

(1) Ukupni troškovi za reprezentaciju i poklone za sve organe iz člana 1. ove odluke u skladu sa Budžetom Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24), mogu se izvršavati do visine planiranih sredstava, a najviše do 6.000,00 KM (slovima: šest hiljada konvertibilnih maraka) pojedinačno po kantonalnom ministarstvu i drugom tijelu kantonalnog organa uprave.

(2) Izuzetno od stava (1) ovog člana ukupni troškovi za reprezentaciju i poklone za Ured premijera Zeničko-dobojskog kantona mogu se izvršavati do visine planiranih sredstava u skladu sa Budžetom Zeničko-dobojskog kantona za 2025. godinu.

Član 4. **(Provođenje Odluke)**

Za provođenje ove odluke zadužuju se sva ministarstva i druga tijela kantonalnog organa uprave.

Član 5. **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-8939/25

Datum, 30.04.2025. godine
Zenica

PREMIJER
po ovlaštenju

DOSTAVLJENO:

1x Ured premijera Zeničko-dobojskog kantona,
1x Svim ministarstvima i drugim tijelima kantonalne uprave,
1x „Službene novine Zeničko-dobojskog kantona“,
1x a/a.

Dženana Čišija